

《修道宗範》

◎ 依止大乘法，立二種根本：

甲一、菩提心


甲二、空正見


今初

## 甲一、菩提心二

### 乙一、顯菩提心為趣入大乘之門


成佛作祖，墮坑落塹，所爭只一念間。故儒云：「人心惟危，道心惟微」，「惟聖罔念作狂，惟狂克念作聖。」欲知舜與跖之分無他，利與善之間也。所以一般受戒學律，聽教看經，參宗坐禪，但夾帶利名心，便是三塗種子；但執著取相，便是人天魔外種子；但一味出離生死，便是二乘種子；但具真實自覺覺他心，便是菩薩種子；但從自覺聖趣，光明發輝，澈其源底，共迴向淨土，普與衆生，同登極樂，便是無上菩提種子。故曰：「一切法正，一切法邪。」






乙二、示菩提心之修學方法二

丙一、先修出離心




丙二、正修菩提心二

丁一、四弘誓願



丁二、自他交換





## 甲二、空正見二

### 乙一、顯正見為修道之要務

討究佛法，第一要務。諸佛所師所謂法也，況弟子乎？雖勝義法性，貴在親證，儻非黃卷赤牘作標月指，示真實修行出要，何由得證勝義？試觀外道，亦出家求出生死，不知正法，求昇反墜。故不留心教典，饒勇猛精進，定成魔外，脇尊八十出家，晝觀三藏，夜習禪思，乃有濟。有謬云，年少力強，宜習教典，丰衰力弱，只堪念佛，豈年少不必念佛，丰老不可習教，將謂如來教法，僅同舉子業，博名利於半生者乎。一歷耳根，永為道種，大士所以捨全身求半偈也。今佛法流布，賴迦葉阿難二祖，澈底悲心，人皆視作等閒，殊不知恒沙世界，無量劫中，妙法名字不可得而聞也！









## 乙二、示正見之修學方法二

### 丙一、總標相妄性真



丙二、別明五陰相狀

丁一、色陰

阿難！譬如有人，以清淨目，觀晴明空，惟一晴虛，迴無所有，其人無故，不動目睛，瞪以發勞，則於虛空別見狂華，復有一切狂亂非相，色陰當知亦復如是。

丁二、受陰

阿難！譬如有人，手足晏安，百骸調適，忽如忘生，性無違順，其人無故，以二手掌於空相摩，於二手中，妄生澀滑冷熱諸相，受陰當知亦復如是。

丁三、想陰

阿難！譬如有人，談說酢梅，口中水出，思蹋懸崖，足心酸澀，想陰當知亦復如是。

丁四、行陰

阿難！譬如暴流，波浪相續，前際後際，不相踰越，行陰當知亦復如是。

丁五、識陰

阿難！譬如有人，取頻伽瓶，塞其兩孔，滿中擎空，千里遠行，用飭他國，識陰當知亦復如是。

### 丙三、結示勸修

#### 丁一、結示法要

開顯妄源

陀那微細識，習氣成暴流。

真非真恐迷，我常不開演。

正示法門

自心取自心，非幻成幻法。

不取無非幻，非幻尚不生。

#### 丁二、功德超勝

名稱尊貴

是名妙蓮華，金剛王寶覺。

力用超勝

如幻三摩提，彈指超無學。

功德究竟

此阿毗達磨，十方薄伽梵。

一路涅槃門。